


ZITTERD-GELAEN

2026-2030



Ós

PARTIJPROGRAM

PIT

Tied veur 'n nuje koers



WWW.POLITIEKMETPIT.NL

Verkiezingsprogram PIT 2026-2030

Geachte laezer,

Veur uch lieëg 't vernieuwde verkiezingsprogram van PIT veur de periode 2026–2030. De aafgelope veer jaor hōbbe veer ós mit overtuuging ingezèt veur Zitterd-Gelaen. Mit dit program laote veer zeen hoe veer det óuch de komende jaore wille blieve doon: praktisch, betrokken en dicht bie inwoners.

Veur PIT is bestaonszekerheid de basis van good lokaol besjtuur. Minsje mótte zeker zeen van ein betaalbaar dak bove hōb, genóg inkomen, toegängelijke zörg en betaalbare energie. Dao-róm zet PIT in op 't veurkómme en aanpakke van problematische sjölde, begrijpelijke en bereikbare regeling en óngerstāning veur minsje dae nét boete de bestaonde kaders valle. Veer kiese bewós veur maatwerk bove regels en veur ein gemeente dae naoast inwoners sjteit, neet tegeöver hen. PIT brengt vernuujing.

PIT blief ein frisse wind in 't politiek landsjap. Ós team besjteit oet betrokken inwoners van alle leeftiede en achtergróndj, zonder vasde bande mit de gevestigde politiek. Juus det maak ós ónáfhankelek en sjcherp. Mieë euver ós minsje laeze geer op www.politiekmetpit.nl/team.

Durve verangere

Veur doorbrèke denkpàtroone dae neet mieër wirke. De politieke ónwikkelinge op nationaal, provinciaal en lokaol niveau laote zeen det vernuujing neudig is. PIT kiest veur oplossinge dae in de praktijk wirke, neet veur symboolpolitiek.

Visie PIT

Besjtuure beteikent veur PIT:

Open en eerlike kommunikasje: transparant wao 't kin, duudelik wao 't mótt.

Professioneel samewirke: mit inwoners, organisasies en aandere partijen, altied mit 't gemeintebelang veurop.

Respect en verbonjeheid: versjille erkenne en tesaame bouwe aan oplossinge.

Binne én boete PIT doon veer 't SAMEN.

Ópbouw van dit program

Per thema besjrieëve veer:

De opdracht: wat sjeilt d'r in Zitterd-Gelaen?

Ós visie en acties: wat wil PIT bereike en hoe make veer det concreet?

Tesaame veur Zitterd-Gelaen

Mit hart veur de gemeente en oug veur de mins zètte veer ós in veur ein sjterke, sociale en toekomstbestendige stad.

Zitterd-Gelaen verdint mieë PIT in de politiek. Doet geer mit?

Maud Schenk

Liësttrekker en fractievezitter PIT



Inhoudsopgave

Veurwoord	pagina 2
Inhoudsopgave	pagina 3
Burgerparticipatie	pagina 4
Chemelot	pagina 5
Kommunikasie & dienstverlening	pagina 6
Cultuur	pagina 7
Duurzaamheid	pagina 8
Evenementen	pagina 9
Financiën	pagina 10
Integratie	pagina 12
Jongerè	pagina 113
Lokaole Economie	pagina 14
Mobiliteit	pagina 16
Senioren	pagina 17
Sjport en bewège	pagina 19
Woningbouw	pagina 21
Zörg	pagina 22
Samenvatting	pagina 25
Infographic 5-speerpunte PIT	pagina 26



bron: Kunst in kaart

Burgerparticipatie

Wat zin de vraagsjtökker veur de gemeente?

In Zitterd-Gelaen is 't van krusjaal belang det inwoners actief betrokken waere bie 't vormgeve van hun leefómgeving. De gemeente haet de plicht óm burgerparticipatie te bevördere, veural in ein tied wao veer te make höbbe mit vergrieëzing en ein toenemend aantal einpersóónshuishoudens. 't Is ónmisbare óm de leefbaarheid en 't sociaol laeve aan te jaoge, en det kin allein door inwoners ein sjtem te geëve in 't gemeintelik beleid. In ós beleving gebäört det noe nog (veul) te weinig.

Wie dènt PIT 't aan te pakke veur 2026-2030?

Veur de periode 2026-2030 wil PIT de burgerparticipatie in Zitterd-Gelaen verbeterere mit de volgende aanpak:

- Faciliterende en kaderstellende rol van de gemeente:
- De gemeente mót zich positioneëre es facilitator en kadersteller. Det beteikent det veer ruimte en middele geëve aan inwoners óm zélf initiatieven te ontplooje en ideeën aan te draoge, terwiel veer tegelijk duudelike kaders stelle waobinne die ideeën gerealiseerd kinne waere.
- Openstaon veur input en out-of-the-box dènke:
- D'r mót lef zeen óm burgers mit te nummen en te vertroewe. De gemeente mót neet allein aan 't stuur zitte, mer óuch luustere nao en samewirke mit de inwoners.
- Ruimte veur foute:
- Veer begrieëpe det neet eder idee drek succesvol zal zeen. Dao-róm wille veer ein ómgeving make waarin inwoners zich vrieë vóele óm te experimenteëre en waarin foute geseëne waere es leermomente. Det bevördert vernuujing en betrokkenheid.
- Versterke van sociale netwerke:
- Burgerparticipatie is neet allein 'n midjel óm beleid te vormgeve, mer óuch 'n manier óm sociale netwerke te sjterker make. Door inwoners te betrekke bie beslissinge, kómt d'r ein hechtere gemeinjsjap en verbetert de sociale cohesie.
- Actieve inspraokmómènte:
- Veer wille mieë diverse en toegängelijke inspraokmómènte organiseëre, zó det eder inwoner de kans kriejt óm zie sjtem te laote heuren. Det kin variëre van bieëkomste toet digitale platforms wao ideeën en feedback gedeild waere.

Mit dees aanpak wil PIT ein inclusieve en actieve gemeinjsjap make wao in eder inwoner zich geheur, gekèke en betrokken vólt.



Chemelot

Wat zin de vraagsjtökker veur de gemeente?

Chemelot is ein krusjaal onderdeel van de economische mótor van ós regio, veural nao de sjloeting van de miene. Mer mit de toenemend oetdaginge veur de chemische industrie, wie höge investeringskoste en sjtrenge milieueise, sjteit de toekomst van Chemelot ónger druk. De volgende punte zien van belang:

- Transitie nao duurzaamheid: Chemelot sjteif nao ein meervoudige transitie waobij afval wurt ómgevórm d tot nuje grondstoffe, en waobij zówaol energieverbruuk es oetstoot wurt verminderd.
- Leefklimaat: 't verbetere van 't leefklimaat in de directe ómgeving van Chemelot is ónmisbare. De focus lieëg op 't beperk van risico's veur de ómwonende.
- Ruimte en oetbreiding: d'r is weinig ruimte veur oetbreiding. Innovaties en vervanging van awt technologieën zien neudig óm de efficiëntie te verhooge zonder extra ruimte in te numme.
- Plicht van bedrieve: bedrieve dae stoppe, mótte zörge det hun terreine gesaneerd achterblieve.
- Samewirking: ein gooie samewirking tusje Chemelot en de ómgeving is ónmisbare veur ein gezónde toekomst.
- Werkgelegenheid: 't behoud van werkgelegenheid is krusjaal; de gemeente haet 'n rol in óngerstääning en stimulering van initiatieven.

Wie dènt PIT 't aan te pakke veur 2026-2030?

Veur de periode 2026-2030 wil PIT de toekomst van Chemelot sjterker make mit de volgende aanpak:

- Duurzaome transitie bevördere
 - a. Innovatie in grondstoffe: initiatieven stimulare dae afval ómzette in nuje, duurzaome grondstoffe.
 - b. Energie-efficiëntie: projecten óngerstääne dae energieverbruuk en oetstoot vermindere.
- Leefklimaat verbetere
 - a. Risicobeperking: sjtrikte naleving van milieuwetgeving óm risico's te minimalisere.
- Plicht en samewirking
 - a. Sanering van terreine: bedrieve verplichtje óm sjchoon en veilig achter te laote.
 - b. Dialoog mit de gemeinjsjap: lokale betrokkenheid bie besluitvorming.
- Educatie en bewustwording
 - a. Informatiecampagnes: bewoners informeren euver ónwikkelinge en impact.
 - b. Ópleiding en werkgelegenheid: investeëre in ópleidinge veur jóngere.

PIT is vastbeslote óm de toekomst van Chemelot te waarbörge en tegeliek de leefkwaliteit van de ómwonende te verbetere. Door tesaame te wirke en innovaties te ómarmme, kinne veer 'n duurzaome en veilige toekomst make.

Kommunikasie & dienstverlening nao inwoners, ónnernnumers en aandere belanghebber

Wat zin de vraagsjtökker veur de gemeente?

In Zitterd-Gelaen ervare veel inwoners det zie neet tiedig of neet op de juiste manier geïnformeerd waere. Veer heüre op sjaat:

- Ónvoldoende info (veraojderd/ónvolledig)
- Lège participatie (allein “informeëre” in plaats van écht betrekke)
- Ónhandige tiedsjtippe (euverdaag/vakanties)

Waarum is gooie kommunikatie belangriek?

Effectieve kommunikatie is ónmisbare óm draagvlak en betrokkenheid te make:

- vertroewe opbouwe
- participatie stimulare
- dienstverlening verbetere
-

Wie dènkt PIT 't aan te pakke veur 2026-2030?

- Transparantie vergrote: regelmatige updates via website/sociale media/nieuwsbrieven; info tiedig en relevant.
- Participatie bevördere: interactieve sessies; bieëkomste óuch 's aovends en in 't weekènde.
- Online mógelikhede oetbreije: online meevolge; digitale platforms veur ideeën/feedback.
- Duudelijke kanale: ein centraal platform + aanspraakpunt binne de gemeente.



Wat zin de vraagsjtökker veur de gemeente?

In Zitterd-Gelaen is cultuur ein ónmisbare onderdeel van identiteit. Mer d'r lieëge nog zat kans veur 't oepakke.

- D'r mó't veul mieë accent óp cultuur komme.
- Evenementen: PIT betreurt det de Marcellinus- en Petrusfeeste ós stad oet gedreejd zeen.
- Os doel is óm, es veer aan 't roer kómme, det fees weer in ere te herstellen... en trök te haole nao Zitterd-Gelaen.
- Vastelaovend: blief belangriek veur alle kárne.
- Vereininge: van groat belang veur de verbonjeheid tusje de minsje óngerling.
- Limburgs erfgoed: ónmisbare veur culturele identiteit.
- Multikultureil tésaemhaeid: is van óngersje waerde veur ós culturele identiteit.
- Taol/dialect: van groate waerde.

Wie dènt PIT 't aan te pakke veur 2026-2030?

- Promotie van culturele evenement + óngerstääning vereininge
- Erfgoed: bewustwording + culturele routes
- Multikultureil tésaemhaeid: inclusieve evenement + dialoog
- Óm de taol te promoten geëve veur 't good veurbeild... door dit program óuch in 't lokale dialect aan te bieje.
- Educatie + participatie: inwoners betrekke zó det zie zich geheur, gekèke en betrokken vólt.



Duurzaamheid

Wat zin de vraagsjtökker veur de gemeente?

Duurzaamheid is krusjaal; d'r zeen oetdaginge en kans óm wiejer te bevördere:

- Energieverduurzaming; minder fossiel
- Kernenergie es optie es d'r gein better alternatief is
- Neet op veurhand oetsjloete
- Betaolbaarheid/oetvoerbaarheid; (monumentale) wóninge mieë aandacht
- Info en loket nog neet duudelik bekind; subsidie-aanvraoge te gecompliceerd
- Netcongestie; druk op Enexis
- SMR-discussies vraoge transparantie en gooie info

Wie dènkt PIT 't aan te pakke veur 2026-2030?

- Diversificatie brónne (incl. kernenergie es neudig)
- Fossiel proportioneel aafbouwe; druk op Enexis veur Zitterd-Gelaen
- Betaolbaarheid: investeëre in haolbare oplossinge; lokale projecten faciliteëre
- Info-campagnes + participatie; procedures versimpelen
- Samewirking/innovatie: partnersjappe + kennisdeling
- Veiligheid, gezóngheid en leefómgeving sjtaon veur PIT altied veurop.



Evenementen

Wat zin de vraagsjtökker veur de gemeente?

In Zitterd-Gelaen is 't organiseëre van evenement ein belangrieke factor veur 't sjterker make van de gemeinjsjapszin en 't bevördere van sociale cohesie. Toch ervare veer op dit moment 't volgende:

- Ónvoldoende transparantie:
- De subsidieverstrekking veur evenement is neet altied duudelik. De criteria en de potentie van evenement waere vaak neet good gecommuniceërd. D'r zeen nog te vaak vraoge euver waar subsidie aan oetgegeve is.
- Citypromotion:
- Veur PIT lieëg 't d'r op det evenement mieë gericht zeen op citypromotion es op 't èch betrekke van inwoners en 't sjterker make van de lokaole gemeinjsjap. Veer geluuve det dees twee juus good same kinne gaon.
- Te veul sjturing door de gemeente:
- De gemeente haet de neiging óm te veul aan 't stuur te zitte, terwiel d'r behoefte is aan ein mieë faciliterende en kaderstellende rol.

Wie dènt PIT 't aan te pakke veur 2026–2030?

Veur de periode 2026–2030 wil PIT de evenement in Zitterd-Gelaen verbeterde mit de volgende aanpak:

- Transparante subsidieverstrekking:
- Veer zörge veur heldere en toegängelijke informatie euver de criteria veur subsidieverstrekking aan evenement. Dit helpt organisatore óm beter te begriep hoe zie in aanmerking kinne kómme veur óngerstääning. Dao-biej zeen veer óuch duudelik in de eindverantwoording van verstrekte subsidies: waar is 't geld aan oetgegeve?
- Faciliterende en kaderstellende rol:
- De gemeente mót zich mieë positioneëre es facilitator van evenement, in plaats van ze te wolle sjture en controleëre. Dit beteikent det veer ruimte bieëje veur initiatieven oet de gemeinjsjap en de veurwaarde sjeppen waobinne dees evenement kinne plaotsvinde.
- Trökgeëve aan de burgers:
- Veer wille inwoners (nóg) actiever betrekke bie 't organiseëre van evenement. Det kin door hen de mógelijkheid te geëve óm ideeën in te bringe en mee te dènke euver de invölling van evenement die hen aangaon.
- Sjterker make van lokaole inbreng:
- Veer stimuleer evenement die oet de lokaole gemeinjsjap kómme en aansjlute bie de wenste en behoefte van inwoners. Det zörgt veur mieë betrokkenheid en ein gevöhl van eigenaarsjap.
- Burgerinitiatieven stimuleer:
- Ein loket creëere waar burgers terecht kinne mit hun vraoge en waar ze ontzoge waere van onneudige bureaucratische drempels bie 't kriege van óngerstääning — neet allein in de vorm van geld, mer óuch in de vorm van netwerkversterking, zó det ideeën kinne oetgroeie tot oetvoerbare initiatieven.

Extra aandacht: Marcellinus- en Petrusfeëste

Ein extra ópmerking wille veer make mit betrekking tot de Marcellinus- en Petrusfeëste, die in de afgelopen collegeperiode nao dik 16 jaor oet 't evenementenaanbod verdwonne zeen en waarvan de organisatie (neudgedwóng) gekóze haet óm oet te wieke nao de gemeente Beekdaelen.

PIT is van mieninge det ein nuj college d'r veur zörge mót det dit markante fees weer trök kómt nao Zitterd-Gelaen. PIT zal dao-róm alles in haar vermóge doen óm in good euverleg mit de organisatie van de Marcellinus- en Petrusfeëste te óngerzeuke hoe dit fees weer in ós gemeente plaots kin vinde.

Financiën

Wat zin de vraagsjtökker veur de gemeente?

De financiële situatie van Zitterd-Gelaen vraogt óm ein kritische en veuruitkiekende blik. Veer sjtaon veur ein belangrieke oetdaging mit 't zogenaomde ravienjaor, det versjove is nao 2028. Dit jaor is van krusjaal belang, ómdat veer ós mótte veurbereije op ein forse terögval in middele en ein sjtijing van kóste.

De signaole oet de mieërjaoreraming van de provincie Limburg wiese op flinke tekórte in de meeste gemeente, óuch in de óze.

- Ravienjaor 2028:
- In erste instantie wurt 2026 aangeweze es 't ravienjaor, mer door incidentele middele is de acute klap nao 2026 deels gedempt. Desondanks blieve de structurele problemen bestaon, waardoor 2028 ein groate oetdaging wurt.
- Sjluitende begroting:
- De huidige begroting is sjluitend, mer veer mótte alert blieve op toekomstige ónwikkelinge. Verlichting veur 2026/2027 beteikent neet automatisch det 't probleem opgelost is; 't is mieë oetstel es aafstel.

Waarum is ein solide financiële basis belangriek?

Ein gezónde financiële basis is ónmisbaar óm de continuïteit van gemeintelike dienste en veurziene te waorbörge. Dit stelt ós in sjtaot óm:

- Wettelijke verplichtjinge:
- Te voldoon aan ós wettelijke verplichtjinge en essentiële dienste veur inwoners te blieve leëve.
- Flexibiliteit en innovatie:
- Ruimte te sjeppen veur flexibiliteit en innovatie in 't beleid, zó det veer optimaal kinne inspeëje op toekomstige ónwikkelinge.
- Duurzaamheid:
- Ein duurzaam financieële sjstrategie te ónwickelje, waomit veer óuch in de toekomst verantwoörd kinne blieve investeëre in ós gemeinjsjap.

Wie dènt PIT 't aan te pakke veur 2026–2030?

Veur de periode 2026–2030 wil PIT de financiën van Zitterd-Gelaen sjterker make mit de volgende aanpak:

Veurbereijing op 't ravienjaor

a. Scenario-planning:

Veer mótte nao-dènke euver scenario's veur 2028 en daornao. Dit ómvat 't in kaart bringe van wettelik verplichtj te taken, de flexibiliteit in ós oetgaeve en de mógelijkheden veur digitalisering en efficiëntieverbeteringe.

b. Inventarisatie van kwetsbaarheden:

De financiële kwetsbaarheden in 't sociaol domein in kaart bringe, zoë es bie de jeugdzörg en de Wmo. De kóste in dees sectoren sjtije sjterk, terwiel de mógelijkheden óm dit te compenseëre beperkt zeen.

Analyse van de begroting

a. Beïnvloedbare ruimte:

Analyseëre wat binne de gemeintelike regie valt en wat afhankelijk is van externe factoren. Dit helpt ós óm beter te begrieppe waar veer invloed kinne oetoeëfene.

b. Bouwe aan financiële buffers:

Tiedelike middele zeen gein structurele oplossing. 't Is verstaandig óm te investeëre in financiële buffers, zó det veer beter veurbereid zeen op toekomstige oetdaginge.

Digitalisering en efficiëntie stimulare

a. Sjlimmer wirke:

De inzet op digitalisering en sjlimmer wirke stimulare óm kóste te beheerse veur 2028. Dit kin helpe óm de druk op de begroting te verlichte.

Financiën

Veuruitdènke en flexibilitéit

a. Keuzevraagsjtoecker:

Veer mótte rekening hauwe mit mógelijke keuzevraagsjtoecker, zoë es 't versobere van veurziene en 't verhooge van belastingen of leges. Dit vraagt óm ein zorgvuldige aafweging en om de betrokkenheid van inwoners bie dees beslissinge.

PIT is vastbeslote óm de financiële toekomst van Zitterd-Gelaen veilig te sjtèlle. Door proactief veuruut te loere nao 't ravienjaor en de oetdaginge die veur ós ligge, wille veer ein solide basis leëje veur de gemeente.

Veer wille neet alles bie ós inwoners neerleëje en zeen van mieninge det d'r óuch nao aandere wege mót waere gekèke óm de financiën positief te hauwe.



Integratie

Wat zin de vraagsjtökker veur de gemeente?

In Zitterd-Gelaen sjtaon veer veur de belangrieke opgaaf óm integratie effectief en rechtvaardig vorm te geëve. Te lang is 't beleid rondóm integratie verwaarloosd, veural door 't beleid oet Den Haag, en d'r is behoefte aan ein frisse aanpak.

Veer erkènne det minsje die positief door de asielpcedure zeen gekómme, recht höbbe op ein plek binne ós samenlaeving. 't Is ós verantwoordelijkheid óm hen te óngerstääne es nuje landgenoten, zónder det zie extra rechte kriege in vergelieking mit andere inwoners.

Wie dènt PIT 't aan te pakke veur 2026–2030?

Veur de periode 2026–2030 wil PIT de integratie in Zitterd-Gelaen verbeterere mit de volgende aanpak:

- Positieve integratie:
- Veer wille ein ómgeving sjeppen waarin nujkomers zich welkom vóele en actief kinne meedoon aan de samenlaeving. Det ómvat 't faciliteëre van taolkurse, sociale activiteiten en werkgelegenheid, óm zo de verbonjeheid mit de lokaole gemeinjsjap te sjterker make.
- Gelieke kanse:
- Veer zörge d'r veur det nujkomers dezelfde rechte en plichte höbbe es alle aandere inwoners, zónder extra privileges. Det beteikent det veer hen óngerstääne bie 't vinde van wóninge, werk en sociale contacte, op dezelfde wieze es bie alle aandere inwoners.
- Verantwoordelijkheid van de gemeente:
- Óuch Zitterd-Gelaen mót zien verantwoordelijkheid numme in dit landelik probleem. Det doon veer door same te wirke mit lokaole organisaties en vrijwilligers óm de integratie te bevördere.
- PIT begriep good det de gemeente de dialoog mit Den Haag mót blieve veur om d'r veur te zörge det 't integratiebeleid beter afgestèmd is en det d'r duudelike richtlijne zeen veur 't óndersjcheid tusje versjillende soorte vluchtelingen.

PIT is van mieninge det de gemeente haar verantwoordelijkheid mót numme es minsje volgens de officiële procedures hun rechte höbbe verkrege, zónder hen extra privileges toe te kenne.



Jóngerere

Wat zin de vraogsjtökke veur de gemeente?

In Zitterd-Gelaen sjtaon veer veur de oetdaging óm jóngerere te behouwe en trök te haole nao ós gemeente en regio. Momenteel ervare veer bie PIT 't volgende:

- Trek nao groate stede:
- Jóngerere kieze vaak veur groate stede, waar zie makkeliker ein baon kinne vinde en waar mieë mógelikhede zeen.
- Betaolbare huisvesting:
- 't Aanbod van betaolbare wóninge veur jóngerere is beperkt, wat hen ontmoedigt óm in Zitterd-Gelaen te blieve of trök te kómme.
- Óntbrekke van veurziene:
- D'r is behoefte aan gooie veurziene en ein aaneensjloetende keten van activiteiten die jóngerere aansjpraake en hen aanmoedige óm actief meedoon aan de gemeinjsjap.

Hoe denkt PIT 't aan te pakke veur 2026-2030?

Veur de periode 2026-2030 wil PIT de situatie veur jóngerere in Zitterd-Gelaen verbeterere mit de volgende aanpak:

- Aantrekke van jóngerere:
- Veur ónwikkelje sjstrategieën óm ópgeleide jóngerere trök te trekke nao Zitterd-Gelaen. Det kin door samewirking mit lokaole bedrieve en ónderwiesinstellinge, óm stageplekke en werkgelegenheid te sjeppe.
- Betaolbare huisvesting:
- Veur zètte ós in veur 't verhooge van 't aanbod aan betaolbare wóninge veur jóngerere. Dao-ónner valt 't óngerzeuke van innovatieve woonoplossinge zoë es kamerverhuur, co-housing of tiny houses, die veur jóngerere aantrekkelek zeen.
- Verbeterere van veurziene:
- Veur wille investeëre in gooie veurziene, zoë es sjportfaciliteiten, culturele centra en óntmoetingsplekke, die jóngerere aantrekke en hun de ruimte geëve óm zich te ónwikkelje en te ontspanne.
- Keten aan activiteiten:
- Veur stimulare ein breed aanbod aan activiteiten en evenement die jóngerere aansjpraake. Det kin variëre van sjport en cultuur tot educatieve projecte en vrijwilligerswerk, zó det jóngerere zich kinne verbinde mit de gemeinjsjap.
- Inspraak en betrokkenheid:
- Veur geëve jóngerere ein sjtem in 't beleid det hen aangaot. Det kin door hen te betrekke bie besluitvorming en hen de mógelijkheid te bieëje óm hun ideeën en wenste te deële.



Lokaale Economie

Wat zin de vraagsjtökker veur de gemeente?

De lokaale economie van Zitterd-Gelaen sjteit ónger druk door versjillende factoren, wie leegstaond en ein veraojderd winkelklimaat. Veer heüre van inwoners en ónnernummers ónger aandere 't volgende:

- Leegstaond:
- Steeds mieë panden in 't centrum sjtaon leeg, wat de aantrekkelijkheid van de stad vermindert.
- Concurrentie mit online winkele:
- Fysieke winkels höbbe 't zwaor door de mógelijkheid van online winkele, wat lijdt tot ein afname van 't aantal bezoekers.
- Veiligheid en bereikbaarheid:
- D'r is behoefte aan ein veilig en toegängelik centrum, zówaol veur ónnernummers es veur klanten.
-

Waarum is ein sjterke lokaale economie belangriek?

Ein bloeëjende lokaale economie is van krusjaal belang veur de werkgelegenheid en de leefbaarheid in Zitterd-Gelaen. Door te investeëre in ós lokaale economie kinne veer:

- Werkgelegenheid sjeppe:
- Mieë ónnernummers beteikent mieë baone veur inwoners.
- Leefbaarheid verbeterere:
- Ein aantrekkelek winkelcentrum draagt bie aan de algemeine leefbaarheid van de stad.
- Gemeinjsjapsgevöhl sjterker make:
- Lokaale bedrieve zeen vaak sjterk verbonje mit de gemeinjsjap en drage bie aan ein sjterk sociaal netwerk.

Wie dènt PIT 't aan te pakke veur 2026–2030?

Veur de periode 2026–2030 wil PIT de lokaale economie in Zitterd-Gelaen sjterker make mit de volgende aanpak:

Leegstaond aanpakke

a. Verandering van besjtemming:

Óngerzeuke welke mógelikhede d'r zeen óm leegstaonde panden ein aandere besjtemming te geëve, zoë es wóninge of innovatieve bedrijfsruimte.

b. Creatieve herbesjtemming:

Samewirking mit eigenaren stimulare óm creatieve oplossinge te vinde veur leegstaonde panden.

Aantrekkelijkheid van 't centrum

a. Compacte sjtruktuur:

Zörge veur ein compactere indeling van 't centrum, zó det 't veur bezoekers makkeliker wurt óm versjillende winkels en veurziene te bereike.

b. Ónnernummers betrekke:

Regelmaotig overleg organiseëre mit lokaale ónnernummers óm hun ideeën en zörge te heuren en mee te numme in 't beleid. 't Centrummanagement van de versjillende kárne is daobij ein belangrieke input, mer zeker neet de enige.

c. Inspiratie oet aandere stede:

Leëre van succesvolle veurbeilde oet aandere stede die hun centrum wiste te revitalisere.

Ein veilig economisch klimaat

a. Duudelijke kommunikasie:

Zörge veur transparante en duudelijke kommunikasie euver gemeintelike regels en procedures veur ónnernummers.

b. Óngerstääning veur startups:

Startups en innovatieve bedrieve óngerstääne mit subsidies en netwerkmógelijkheden.

c. Samewirking mit ónderwiesinstellinge:

De samewirking mit lokaale ónderwiesinstellinge sjterker make, zó det de neudige vaardighede beskikbaar zeen veur ónnernummers.



Mobiliteit

Wat zin de vraagsjötökker veur de gemeente?

In Zitterd-Gelaen sjtaon veer veur de oetdaging óm te zörge veur ein duurzaome en toegängelijke mobiliteit. Momenteel ervare veer bie PIT 't volgende:

- Beperkte keus:
- Inwoners vóele zich vaak beperkt in hun mobiliteitskeus, waobei de nadrök noe nog veul te veul op 't autoverkeer lieëg.
- Fietsveurziene:
- D'r is behoefte aan betere veurziene veur fietsers, zoë es fietsstraote en veilige en genóg parkeerplekke veur fietsen.

Wie dènt PIT 't aan te pakke veur 2026–2030?

Veur de periode 2026–2030 wil PIT de mobiliteit in Zitterd-Gelaen verbeterere mit de volgende aanpak:

- Diversificatie van mobiliteitsopties:
- Veer wille neet allein de auto es vervoersmiddel faciliteëre, mer óuch aandere mógelijkhede stimulare, zoë es 't openbaar vervoer, carpoolen en fietsen. Det zörgt veur mieë keus veur inwoners.
- Integratie van vervoersmiddele:
- Veer wille de samenwerking en aansluiting tusje versjillende vervoersmiddele verbeterere, zó det inwoners makkelik kinne oversjtappe van de fiets nao 't openbaar vervoer en aomgekeërd.
-

Fietse in Zitterd-Gelaen: veur PIT ein prioriteit

Bie PIT geluuve veer det de fiets ein krusjaole rol sjeilt in de mobiliteit van Zitterd-Gelaen. Veul inwoners make dageliks gebruik van dit vervoersmiddel. In de komende besjtuursperiode zètte veer ós in óm 't fietsen te bevördere es ein duurzaome, gezónde en toegängelijke vorm van vervoer. Det wille veer doon door in te zètte op:

- Fietsstraote:
- Veer zètte ós in veur 't aanlaege van veilige en aantrekkeleke fietsstraote die 't fietsen stimulare. Dao-ónner valt óuch 't goed ónderhouwe van fietspae en 't verbeterere van de verkeersveiligheid veur fietsers.
- Fietsstallinge:
- Veer zörge veur genóg en veilige fietsstallinge op centrale plekke, zó det inwoners hun fiets mit ein gerös hart kinne parkeëre.
- Bewustwording en educatie:
- Veer stimulare bewustwordingscampagnes óm inwoners aan te moedige óm vakker de fiets te pakke. Det kin via evenementen, workshops en informatiecampagnes euver de veurdeile van fietsen.



SeniorenWat zin de vraagsjtökker veur de gemeente?

Aandach en beleid veur awdere minsje in Zitterd-Gelaen is ein ónmisbaar ónderdeel van ós sociaol beleid en verdint ós aandach vanóet versjillende invalshoeke. Awdere minsje zeen ein waerdevolle groep binne ós gemeinjsjap. 't Is van groat belang det zie de zörg, óngerstääning en veurziene kriege die zie verdienne, zó det zie zo lang mógelijk zélfstandig kinne blieve.

De volgende punte zeen van belang:

- Wóninge veur awdere minsje:
- D'r is ein neudzaak veur gelijkvloerse wóninge die aansjlute bie de behoefte van awdere minsje. 't Volkshuisvestingsprogram mót hieë beter op inspeëje, zó det vraag en aanbod in balans blieve.
- Veurziene in de wiek:
- 't Is krusjaal det awdere minsje toegank höbbe tot basisveurziene, zoë es ein pinautomaat, supermarkt en bank. Daonaos mótte d'r óntmoetingsplekke zeen, zoë es gemeinjsjapshuize, waar zie tesaame kinne kómme en sociale contacte kinne ónderhouwe.
- Openbaar vervoer:
- Ein good toegängelik openbaar vervoer is ónmisbaar veur awdere minsje, zó det zie zich makkelik kinne verplaatse binne de gemeente.
- Aantrekkeleke woonómgeving:
- 't Mót aantrekkelek zeen veur awdere minsje óm in Zitterd-Gelaen te blieve wóne. Det ómvat veurziene en activiteiten die hun laefkwaliteit verhooge en, waar mógelijk, eenzaamheid tegegaôn.

Wie dènt PIT 't aan te pakke veur 2026-2030?

Veur de periode 2026-2030 wil PIT de zörg veur awdere minsje sjterker make mit de volgende aanpak:

Wóninge en volkshuisvesting

a. Gelijkvloerse wóninge:

Actief investeëre in de bouw van gelijkvloerse wóninge die gesjik zeen veur awdere minsje, zó det zie langer zélfstandig kinne wóne.

b. Volkshuisvestingsprogram:

D'r veur zörge det 't volkshuisvestingsprogram nóg mieë gericht wurt op 't vervölle van de woonbehoefte van awdere minsje.

Veurziene en óntmoetingsplekke

a. Óntmoeting in de wiek:

't Stimulere van 't ópzette van óntmoetingsplekke, zoë es gemeinjsjapshuize, waar awdere minsje elkaar kinne óntmoete en same activiteiten kinne doon.

Ein sjoën veurbeeld van zo'n initiatief is 't burgerinitiatief "Samen Sjterk tege Einzaamheid" in de wiek Kemperkoul in Zitterd. Dit kómt op dit moment helaas nog neet van de grond. PIT wil zich, es zie de kans kriejt óm te besjtuure, inzette óm tesaame mit de initiatiefnemers dit initiatief tóch van de grond te laote kómme, passend binne de gemeintelike kaders.

Senioren

b. Basisveurziene:

Zörge veur genóg basisveurziene in de wiek, zoë es ein pinautomaat, supermarkt en bank, zó det awdere minsje makkelik toegang höbbe tot hun dagelikse behoefte.

Verbeter van 't openbaar vervoer

a. Toegankelijkheid:

De toegankelijkheid van 't openbaar vervoer veur awdere minsje verbeter, zó det zie zich vrieë kinne verplaatse zónder aafhankelijk te zeen van aandere.

- Aanbod van activiteiten boete kantoortieë:
- Veer wille óngerzeuke en waor mógelijk faciliteëre det activiteiten óuch plaatsvinde in, bieëveurbeild, de vröge mörge-ure. Denk hieëbiej aan samewirking mit ein zwebad óm al vrög óp te goôn, zó det awdere minsje de kans kriege óm actief te blieve.
- Aantrekkelijkheid van de woonómgeving:
 - a. Leefómgeving:
 - De gemeente mót investeëre in ein leefómgeving die aantrekkelek is veur awdere minsje, mit genóg greun, rös en veurziene die hun laefkwaliteit verhooge.
 - b. Actieve betrokkenheid:
 - Awdere minsje betrekke bie de ónwikkeling van beleid en veurziene die hun aangaon, zó det zie zich geheur en gewaardeerd vóele.
- Financiële toegankelijkheid:
 - a. Contant betaole:
 - D'r veur zörge det d'r genóg mógelijkhede blieve óm contant te betaole, zó det awdere minsje zich neet boetesjloete vóele bie financiële transacties.

Door dees aanpak wil PIT de veurwaarde veur awdere minsje in Zitterd-Gelaen verbeter en d'r veur zörge det zie mit waardigheid en respect binne ós gemeinjsjap kinne blieve wóne.



Sjport en bewege

Wat zin de vraagsjtökker veur de gemeente?

In Zitterd-Gelaen zeen d'r versjillende oetdaginge op 't gebied van sjport en bewege, die invloed höbbe op de gezóngheid en 't wèlzeen van de inwoners. De volgende punte kómme regelmaotig nao veure:

- Ónvoldoende aandacht veur gezóngheid:
- D'r is te weinig focus op zówaol fysieke es mentale gezóngheid, wat kin lije tot mieë eenzaamheid.
- Toegankelijkheid van sjportveurziene:
- Neet ederèin haet gelieke toegang tot sjportactiviteiten, wat inclusiviteit in de weg sjteit.
- Vereinegingslaeve ónger druk:
- Veul sjportvereineginge höbbe moeite óm vrijwilligers en sponsoren te vinde, wat lijdt tot ein krimpande sjportcultuur.
- Accommodaties en faciliteiten:
- De sjpreiding van sjportaccommodaties is neet optimaal en d'r zeen financiële belemmeringe die de toegankelijkheid beïnvloede.

Wie dènt PIT 't aan te pakke veur 2026–2030?

Veur de periode 2026–2030 wil PIT de sjport- en beweegcultuur sjterker make mit de volgende aanpak:

Transparantie vergrote

- Regelmaotige updates:
- Informatie euer sjportevenementen en -mógelikhede versjpreije via versjillende kanale, zoë es de website en sociale media.
- Toegängelijke informatie:
- D'r veur zörge det informatie op tied en relevant is, mit extra aandacht veur versjillende doelgroepe.

Participatie bevördere

- Betrekke:
- Interactieve sessies organiseëre waorin inwoners hun ideeën en zörge euer sjport en bewege kinne deële.
- Inclusieve evenement:
- Activiteiten aanbieje op versjillende tiedsjtippe, óuch 's aovends en in 't weekènde, óm de deelname zo groot mógelijk te make.

Óngerstääning van vereineginge

- Vrijwilligers wèrve:
- Initiatieven ópzètte óm vrijwilligers te wèrve en te óngerstääne, zó det vereineginge duurzaam kinne blieve functioneren.
- Financiële óngerstääning:
- Óngerzeuke welke subsidies en fondse besjikbaar zeen veur vereineginge, mit ein duudelike en heldere kommunikasje dao-euver.

Educatie en bewustwording

- Voedinglesse:
- In samenwerking met sjole lesse aanbieje euver gezónde voeding en leefsjteil, veural gericht op jóngere.
- Lifestyle-programma's:
- Programma's introduceëre, zoë es ein lifestyle-pasje veur gezinnen en awdere minsje, die gericht zeen op gezóngheid en fitheid.

Valpreventie en mobiliteit veur awdere minsje

- Valpreventie-programma's:
- Subsidies inzette óm awdere minsje te óngerstääne bie hun mobiliteit en valpreventie, zó det zie actief en veilig kinne blieve meedoon in de samenlaeving.

Gooie en heldere kommunikasie

Óuch bie dit onderwerp wil PIT inzette op gooie en heldere kommunikasie. Gooie kommunikasie is ónmisbaar óm inwoners te informeëre, te betrekke en te motiveëre óm actief mit te doon.



Wóningbouw

Wat zin de vraagsjtökker veur de gemeente?

Wóningbouw is ein krusjaal thema in Zitterd-Gelaen, veural op 't gebied van betaalbaarheid en diversiteit in woonvorme. De gemeente sjteit veur de volgende oetdaginge:

- Betaolbare wóninge:
- D'r is ein drèngende behoefte aan mieë betaalbare wóninge veur alle doelgroepe binne de gemeente.
- Diversiteit in woonvorme:
- D'r mótte innovatieve woonvorme ónwikkeld waere, zoë es tiny houses, kangoeroewóninge en tiedelike wóninge.
-

Wie dènt PIT 't aan te pakke veur 2026-2030?

Veur de periode 2026-2030 wil PIT de wóningbouw aanpakke mit de volgende sjtrategieën: Focus op genóg betaalbare wóninge

a. Verhooge van 't aanbod:

Actief inzètte op 't bouwe van betaalbare wóninge, mit speciale aandach veur versjillende woonvorme zoë es tiny houses en kangoeroewóninge.

b. Tiedelike wóninge:

Investeëre in tiedelike wóninge veur ein periode van 15 jaor, óm snel in te kinne speëje op de vraag nao woonruumte.

Innovatieve woonconcepten

a. Herbesjtemming van gebouwe:

't Stimulere van 't ómbouwe van kantore en kèrke nao wóninge, én 't creëere van woonruumte bove winkels.

b. Kamerverhuur en anti-kraak:

Initiatieven veur (particuliere) kamerverhuur en anti-kraak óngerstääne óm de wóningneud te verlichte.

c. Wóne bove winkels:

Dit kin ein oplossing bieëje veur zówaol 't wóningtekórt es de leefbaarheid in winkelgebiede. Hieë mag nóg mieë op wurt ingezèt as noe 't geval is.

Regelinge herzieë

a. Flexibiliteit in regelgeëving:

De huidige regelgeëving rondóm wóningbouw en splitsing herzieë óm mieë ruimte te bieëje veur innovatieve oplossinge en nuje woonconcepten.

b. Inspiratie oet andere gemeente:

Leëre van succesvolle wóningbouwprojecte en -initiatieven in andere gemeente en dees toepasse in Zitterd-Gelaen.

Participatie en betrokkenheid

a. Inwoners betrekke bie plannen:

Inwoners actief betrekke bie wóningbouwplannen, zó det hun wenste en behoefte geheur waere en mee waere genomme.

b. Kommunikasie euver projecte:

Regelmatig updates en informatie geëve euver wóningbouwprojecte en -initiatieven via versjillende kanale.

Versjillende veurstelle zeen al geopperd door 't huidige besjtuur. Vanwege de groate vraag en 't beperkte aanbod wil PIT hieë nóg sjtrikter op inzètte en dit wiejer ónwikkelje. Naor ós mieninge gebäört dit noe nog ónvoldoende.

1. Wmo (Wet Maatschappelijke Óngerstääning).

Wat zin de vraagsjtökke veur de gemeente?

In Zitterd-Gelaen sjtaon veer veur de oetdaging óm de Wmo effectief en toegängelik te make veur ós inwoners, veural in 't licht van recente veranderinge en bezuiniging. Veur denke hieëbiej ónger aandere aan:

- Kóste:
- Minsje mit ein chronische beperking of ein langdurige afhankelijkheid van óngerstääning kinne veul dunder oet zeen as noe 't geval is.
- Zörg mijje:
- Angs veur höggere kóste kin d'rtoe lije det inwoners hulp te laat of zelfs hellemaol neet aanvraoge, mit verergering van problemen es gevolg.
- Boete de boot valle:
- Veural huishoudens die net bove mōdàal zitte zeen hieë veur gevölig: neet arm genóg veur korting, mer wél afhankelijk van Wmo-óngerstääning.
- Administratie:
- Extra administratieve eise kinne veural kwetsbare inwoners (bieëveurbeeld laagleëterden, awdere minsje en minsje mit psychische problemen) óverbelaste, waardoor zie afhaoke.
- Minder pgb:
- Mieë weigeringsgrōndj kinne lije tot minder toegang tot 't pgb, terwiel sommige inwoners juus mit ein pgb de beste óngerstääning kinne organisere.
- Complexiteit:
- Mit nuje verordeningsartikels, extra toezichtseise, pgb-regels en sjtremere inkoopveurwaarde stijgt de complexiteit van 't Wmo-landsjap.

Waorum is gooie zörg en óngerstääning belangriek?

Effectieve óngerstääning via de Wmo is krusjaal veur 't wèlzeen van ós inwoners. Door de zörg good te organisere, kinne veer:

- Vertroewe opbouwe:
- Inwoners mótte zich geheur en serieus genómme vóele bie 't aanvraoge van zörg en óngerstääning.
- Kwaliteit van zörg verbeterere:
- Door te focuse op de relatie tusje hulpverleëners en cliënten, kinne veer de kwaliteit van de zörg verhooge.
- Keuzevrieëheid waorbörge:
- Inwoners mótte mieë vrieëheid kriege óm hun zörgaanbieder te keëze, dat wil zegke: de vrieë keus tusje ein zörgaanbieder op pgb-basis of ein gecontracteerde partij op zin-basis, zó det zie de óngerstääning kriege die 't beste bie hun past.

Hoe denkt PIT 't aan te pakke veur 2026–2030?

Veur de periode 2026–2030 wil PIT de Wmo in Zitterd-Gelaen verbeterere mit de volgende aanpak:

Keuzevrieëheid en transparantie

a. Keuzevrieëheid behouwe:

Veur wille d'r veur zörge det inwoners genóg vrieëheid hōbbe óm hun zörgaanbieder te keëze en det kleine zörgaanbieders ein eerlike kans kriege óm hun dienste aan te bieje. Ein inwoner mótt in ós óge de vrieë keus hōbbe tusje pgb-basis of ein gecontracteerde partij op zin-basis.

b. Informatie toegankelijk make:

D'r veur zörg det inwoners good geïnformeërd zeen euver hun rechte en de mógelikhede binne de Wmo.

Participatie en betrokkenheid

a. Actieve participatie stimulare:

Veer wille inwoners actief betrekke bie 't beleid en de oetvoering van de Wmo. Det kin door interactieve bieëkomste en feedbacksessies te organiseëre.

Ópzètte van ein routekaart

Es minsje te make kriege mit de Wmo, is 't vaak neet duudelik welke regels d'r gelde en veural: waor geer uch kinsj mèlje. Door 't ópzètte van ein routekaart wurt duudelik welke route bewandeld kin waere en wat wél en wat neet mógelijk is binne de Wmo. Zo kriege inwoners grip op 't proces en wete zie waor ze aan toe zeen.

2. Jeugdwet

Wat zin de vraagsjtökker veur de gemeente?

De Jeugdwet in Zitterd-Gelaen vraagt óm ein zorgvuldige aanpak, veural nao de recente veranderinge en bezuiniging. PIT zeet nao dees veranderinge de volgende ónwikkelinge:

- Bezuiniging en aanbestedinge:
- De gemeente haet te make mit nuje aanbestedinge waobij de zörg gegund is aan drie groate partijen. Dit zörgt bie veul cliënten veur zörg euver de kwaliteit en de toegankelijkheid van de zörg.
- Kleine zörgaanbiedeers ónger druk:
- Veul kleine zörgaanbiedeers mótte es onderaanbiedeer wirke, wat hun positie verzwakt en de keuzevrieëheid van inwoners kin beperkinge.
- Beperkte betrokkenheid:
- D'r lieëg 't gevöhl det groate zörgaanbiedeers van de gemeente veul te veul vrieë spel kriege en det de gemeente neet kritisch genóg is op 't bewaore van kwaliteit.

Wie dènt PIT 't aan te pakke veur 2026-2030?

Veur de periode 2026-2030 wil PIT de zörg rondóm jóngere en jeugd in Zitterd-Gelaen verbeterere mit de volgende aanpak:

- Jeugdzörg dichbie:
- Veer wille det jeugdzörg dich bie de jeugdige georganiseërd is, zó det zie bie wijze van sjpreke makkelik mit de fiets nao hun hulpverleëner kinne gaon.
- Relatie mit hulpverleëners:
- 't Ópbouwe van ein vertroeweband mit hulpverleëners is ónmisbaar. Veer wille det dees relatie meeweëg in beslissinge euver zörg, zó det stabiliteit en vertróuwe veurop sjtaon.



Lokaale jeugdzörg

a. Jeugdzörg dichbie:

Veer wille det jeugdzörg in de directe ómgeving van de jeugdige toegängelik is, zó det zie bie wijze van sjpreke gewoen mit de fiets nao hun hulpverleëner kinne gaon.

b. Relatie mit hulpverleëners:

't Ópbouwe van ein vertroeweband mit hulpverleëners is ónmisbaar. Veer wille det dees relatie meeweëg in beslissinge euver zörg.

Keuzevrieëheid en transparantie

a. Keuzevrieëheid behouwe:

Veer wille d'r veur zörge det jóngere en hun ouders de vrieëheid höbbe óm hun jeugdzörgaanbieder te keëze. De keus sjteit los van de vraag of ein aanbieder wél of neet gecontracteerd is door de gemeente.

b. Informatie toegängelik make:

D'r veur zörge det jóngere en hun ouders good geïnformeerd zeen euver hun rechte en de mógelikhede binne de Jeugdwet.

Participatie en betrokkenheid

a. Actieve participatie stimulare:

Veer wille jóngere en hun ouders actief betrekke bie 't beleid en de oetvoering van de Jeugdwet. Det kin door interactieve bieëkomste en feedbacksessies te organiseëre.

b. Duudelike kommunikasiekanale:

Ein centraal platform creëere waar jóngere en hun ouders hun vraoge kinne sjtelle en informatie kinne kriege euver de Jeugdwet en de besjikbare zörg.

Zörg blief veur PIT ein speerpunt

PIT wil zich óuch de komende periode vastbieëte in 't onderwerp zörg. Veer beseffe ós mer al te good det, aan de eine kant door de vergrieëzing en aan de aandere kant door de toenemende complexiteit van de samenlaeving, veul minsje ein beroep mótte doen op bieëveurbeild de Wmo of de jeugdzörg. Ein onderwerp det zó belangriek is, dao mót geer ós aan verbinde — en det doen veer.

3. Dak- en thuisloosheid

“Veurkómme waar 't kin, óngerstääne waar 't neudig is.”

Hoe denkt PIT 't aan te pakke veur 2026–2030?

PIT wil dak- en thuisloosheid zo veul mógelijk veurkómme door vroegtiedig in te grieepe bie sjölde, huusuitzettinge, relatiebreuke en psychische problemen. Det vraagt óm ein gooie samewirking tusje gemeente, wóningcorporaties, zörginstellinge en wèlzijsorganisaties.

Veur minsje die tóch dak- of thuisloos rake, zèt PIT in op passende ópvang en begeleiding, mit aandach veur wóne, zörg en werk. Dao-biej erkènne veer det neet ederèin hulp wil of kin accepteëre. Óuch det is ein realiteit.

PIT kiest dao-róm veur ein minsjelijke benadering:

hulp besjikbaar en bereikbaor make, zónder dwang waar det neet wirk, mer mit duudelike kaders waar veiligheid in 't geding is.

't Doel is altied:

perspectief bieëje waar 't kin, rös en waardigheid waar 't neudig is.

Tied veur 'n nuje koers – mit PIT!

Ós 5 speerpunts veur Zitterd-Gelaen (2026–2030).

1. Wóningbouw – Mieë betaalbare huuzen, mieë sjlimme woonoplossinge

't Is simpel: zónder wóninge gein toekomst veur ós inwoners.

PIT zèt vol in op betaalbare huuzen veur starters, gezinnen en senioren.

Van tiny houses tot kangoeroewóninge, van tiedelik wóne tot wóne bove winkels – veer wille dóórpakke.

Leegstaond wurt woonruumte.

Regels wurte sjlimmer.

En de gemeente gaot veurop in plaats van teëgewerreke.

2. Zörg – Toegängelik, persóónlik en dichbie

Zörg mót wirke veur minsje, neet aomgekeërd.

PIT kiest veur:

- keuzevrieëheid in Wmo en jeugdzörg
- zörg dichbie en lokaol
- kleine zörgaanbiedeers die ein eerlike kans kriege
- duudelike informatie, zónder doolhof aan regels
- ein routekaart die ederèin begriep

Veer zètte de mins centraal, neet 't systeem.

3. Kommunikasie & dienstverlening – Eerlik, duudelik en op tied

Es inwoners iets van de gemeente heüre, mót 't klóppe – en op tied.

Neet achteraf. Neet half.

PIT wil:

- open en transparante kommunikasie
- ein gemeente die luustert veurdat zie beslis
- betere bereikbaarheid en duudelike aanspraakpunte
- bieëkomste én online mógelijkheden, zó det ederèin mit kin doen

Gooie kommunikasie is gein luxe.

't Is de basis van vertroewe.

4. Burgerinitiatieven & participatie – Ideeën van inwoners kriege veur-angar

PIT geluoft det de beste plannen neet óp 't gemeintehoes óntstaon,

mer in de wíek, aan de keukentafel, bie vereininge en ónnernummers.

Dao-róm:

- inwoners aan 't stuur
- gemeente es facilitator, neet es blokkade
- experimenteëre mág
- inspraokmómènte die passe bie 't laeve van gewoene minsje
- (dao-róm neet allein euverdaag!)

Veer bouwe aan ein gemeente waarin inwoners èch meedoon – neet allein “meeprate”.

5. Sjport & bewege – Gezónd en verbonje blieve, det doen veer tesaame

Sjport en bewege halde Zitterd-Gelaen gezónd, sociaal en actief.

PIT zèt in op:


- sjterke vereininge mit genóg vrijwilligers
- toegängelike sjport veur jóng en aod
- valpreventie en beweegprogramma's veur awdere minsje
- ein gezónde leefsjeil veur gezinnen en jóngere

Sjport verbint –

en det haet ós gemeente keihard neudig.

De 5 speerpunten van veur Zitterd-Gelaen 2026–2030

Tied veur 'n nuje koers



KIEK NAO ÓS COMPLEET PARTIJPROGRAM:
WWW.POLITIEKMETPIT.NL/NIEUWS